

BOSNA I HERCEGOVINA

Brčko distrikt BiH

SKUPŠTINA

ZAKONODAVNO POVJERENSTVO

ZAKONODAVNA KOMISIJA



БОСНА И ХЕРЦЕГОВИНА

Брчко дистрикт БиХ

СКУПШТИНА

ЗАКОНОДАВНА КОМИСИЈА

Mladena Maglova 2, 76100 Brčko distrikt BiH, telefon i faks: 049/215-516

Младена Маглова 2, 76100 Брчко дистрикт БиХ, тел. и факс: 049/215-516

Na osnovu člana 8 Zakona o Službenom glasniku Brčko distrikta Bosne i Hercegovine („Službeni glasnik Brčko distrikta BiH“, brojevi: 1/00 i 17/04) i Odluke o davanju ovlaštenja Zakonodavnoj komisiji Skupštine Brčko distrikta BiH, broj: 01-02-218/17 od 13. 9. 2017. godine („Službeni glasnik Brčko distrikta BiH“, broj 35/17), Zakonodavna komisija Skupštine Brčko distrikta BiH na 75. sjednici održanoj 7. 2. 2024. godine utvrdila je prečišćeni tekst Zakona o platama i drugim naknadama pravobranioca i zamjenika pravobranioca u Pravobranilaštvu Brčko distrikta Bosne i Hercegovine („Službeni glasnik Brčko distrikta BiH“, broj 28/18) s izmjenama i dopunama Zakona o platama i drugim naknadama pravobranioca i zamjenika pravobranioca u Pravobranilaštvu Brčko distrikta Bosne i Hercegovine („Službeni glasnik Brčko distrikta BiH“, brojevi: 40/20, 26/21, 1/22, 21/22, 45/22 i 22/23).

Broj: 01.3-02-521/24
Brčko, 7. 2. 2024. godine

PREDSJEDAVAJUĆI
ZAKONODAVNE KOMISIJE
Ljubiša Lukić

ZAKON
O PLATAMA I DRUGIM NAKNADAMA PRAVOBRANIOCA I
ZAMJENIKA PRAVOBRANIOCA U PRAVOBRANILAŠTVU
BRČKO DISTRIKTA BOSNE I HERCEGOVINE
(PREČIŠĆENI TEKST)

I. OPĆE ODREDBE

Član 1
(Predmet)

- (1) Ovim zakonom regulišu se plate, naknade i određena prava pravobranioca i zamjenika pravobranioca u Brčko distriktu Bosne i Hercegovine.
- (2) Pravobraniocu i zamjeniku pravobranioca se utvrđuje osnovna plata na mjesečnom nivou.
- (3) Visina osnovne plate utvrđuje se ovim zakonom.
- (4) Plata zaposlenog se sastoji od osnovne plate ili naknade plate i uvećanja plate po osnovu dodatka na platu.
- (5) Bruto plata je plata iz stava 4 ovog člana uvećana za obavezne doprinose.
- (6) U svim elementima koji čine platu iz stava 4 ovog člana sadržan je porez na dohodak.

II. PLATE, DRUGA PRAVA I NAKNADE

Član 2

(Osnovna mjesečna plata pravobranioca i zamjenika pravobranioca)

Osnovna mjesečna plata pravobranioca i zamjenika pravobranioca iznosi:

- a) za pravobranioca 4.039,00 KM,
- b) za zamjenika pravobranioca 3.776,00 KM.

Član 3

(Dodatak na radni staž)

Osnovna mjesečna plata pravobranioca i svakog zamjenika pravobranioca iz člana 2 ovog zakona, povećava se za 0,3% za svaku punu godinu radnog staža, najviše do 40 godina.

Član 4

(Regulisanje osnovne mjesečne plate)

- (1) Plate propisane članom 2 ovog zakona će se korigovati na način što će se procent povećanja izračunati tako što će se usporediti prosječna mjesečna neto plata u Bosni i Hercegovini za prethodnu kalendarsku godinu, u odnosu na prosječnu mjesečnu platu u Bosni i Hercegovini u godini kada je iznosila najmanje 1.600,00 KM.
- (2) U slučaju da se u nekoj godini prosječna mjesečna neto plata u Bosni i Hercegovini izračunata za kalendarsku godinu smanji, osnovne mjesečne plate pravobranioca i svakog zamjenika pravobranioca ostaju iste i neće se ponovo povećavati sve dok prosječna mjesečna neto plata u Bosni i Hercegovini izračunata za kalendarsku godinu ne dostigne najviši nivo od 1.600,00 KM. Nakon toga, plate pravobranioca i svakog zamjenika pravobranioca se povećavaju u skladu sa stavom 1 ovog člana.
- (3) Prosječna mjesečna neto plata za kalendarsku godinu bit će ona plata koju objavi Agencija za statistiku Bosne i Hercegovine.

Član 5

(Radno vrijeme)

- (1) Broj radnih sati za pravobranioca i svakog zamjenika pravobranioca je 40 sati sedmično.
- (2) Ukoliko pravobranilac i zamjenici pravobranioca rade pola radnog vremena, u skladu s posebnim zakonom ili propisima, osnovna mjesečna plata iz člana 2 ovog zakona, korigovat će se u skladu s brojem odrađenih dana u odnosu prema broju redovnih radnih dana za taj mjesec.

Član 6

(Plaćeni godišnji odmor i odsustvo za vjerske praznike)

- (1) Pravobranilac i svaki zamjenik pravobranioca imaju pravo na plaćeni godišnji odmor u trajanju od 30 radnih dana.
- (2) Pored prava na godišnji odmor definisanog u stavu 1 ovog člana, pravobranilac i svaki zamjenik pravobranioca imaju pravo na dva plaćena i dva neplaćena dana odsustva godišnje za zadovoljenje vjerskih obaveza.
- (3) Plaćeni godišnji odmor za pravobranioca i svakog zamjenika pravobranioca bit će regulisan planom godišnjih odmora u skladu s propisima o unutrašnjem poslovanju Pravobranilaštva Brčko distrikta BiH.

Član 7 **(Vanredno plaćeno odsustvo)**

(1) Pored godišnjeg odmora i odsustva za vjerske praznike regulisanog članom 6 ovog zakona, pravobranilac i svaki zamjenik pravobranioca imaju pravo na sedam plaćenih dana odmora u kalendarskoj godini kako slijedi:

1. u slučaju ženidbe/udaje: 5 dana;
2. u slučaju smrti bliskog srodnika (supružnika, partnera, majke, oca, očuha, maćehe, djeteta, pastorka/pastorke, brata, sestre, polubrata, polusestre): 3 dana;
3. u slučaju smrti manje bliskog srodnika (djeda, bake ili bliskog srodnika bračnog druga ili partnera): 1 dan;
4. u slučaju rođenja djeteta: 2 dana;
5. u slučaju selidbe iz stalnog prebivališta u drugo prebivalište: 1 dan.

Član 8 **(Otpremnina)**

Pravobranilac i zamjenici pravobranioca imaju pravo na naknadu prilikom odlaska u penziju u visini trostrukog iznosa posljednje bruto plate pravobranioca odnosno zamjenika pravobranioca.“

Član 9 **(Zdravstveno osiguranje i bolovanje)**

Pravobranilac i zamjenik pravobranioca imaju pravo na zdravstveno osiguranje i bolovanje u skladu s važećim Zakonom o zdravstvenom osiguranju u Brčko distriktu BiH.

Član 10 **(Penzijsko i invalidsko osiguranje)**

Pravobranilac i zamjenik pravobranioca imaju pravo na penzijsko i invalidsko osiguranje u skladu s važećim Zakonom o penzijskom i invalidskom osiguranju u Federaciji Bosne i Hercegovine, ili u Republici Srpskoj, zavisno od fonda u koji su uplaćivali doprinose.

Član 11 **(Naknada u slučaju suspenzije)**

(1) Za vrijeme suspenzije pravobraniocu, odnosno zamjeniku pravobranioca pripada naknada plate u iznosu od 80 % osnovne plate uvećane za dodatak na osnovnu platu za 0,3 % za svaku punu godinu radnog staža, najviše do 40 godina staža.

(2) Ukoliko pravobranilac ili zamjenik pravobranioca ne budu proglašeni krivim u krivičnom ili disciplinskom postupku, pripada im razlika do pune plate koju bi inače ostvarili.

Član 12 **(Naknade za putne troškove)**

Pravobranilac i zamjenik pravobranioca imaju pravo na naknadu za troškove nastale u toku službenog putovanja (dnevnice, prijevoz i smještaj) u skladu s važećim podzakonskim aktom u pravosuđu Brčko distrikta, i odobrenim budžetom Pravobranilaštva Brčko distrikta BiH.

12a **(Naknada za ishranu u toku rada)**

(1) Ishranu (topli obrok) za jedan radni dan, za puno radno vrijeme, kao i za prekovremeni rad duži od tri sata u toku jednog radnog dana u iznosu od 8,00 KM (osam konvertibilnih maraka) za vrijeme provedeno na radu.

(2) Pravo na naknadu za putne troškove iz člana 12 ovog zakona isključuje pravo na naknadu za ishranu u toku rada.

Član 12b

(Naknada troškova prijevoza na posao i prijevoza s posla)

(1) Pravobranilac i zamjenik pravobranioca imaju pravo na naknadu troškova prijevoza na posao i prijevoza s posla.

(2) Kriteriji, visina i način obračuna naknade troškova prijevoza na posao i prijevoza s posla iz stava 1 ovog člana, pod istim uslovima i iznosima propisanim za zaposlene u pravosuđu Brčko distrikta Bosne i Hercegovine, uređuju se pravilnikom.

(3) Pravilnik iz stava 2 ovog člana donosi Pravosudna komisija Brčko distrikta Bosne i Hercegovine (u daljnjem tekstu: Pravosudna komisija).

Član 13

(Naknade za troškove edukacije)

Pravobranilac i zamjenik pravobranioca imaju pravo na naknadu za troškove nastale u toku edukacije u skladu s propisima o unutrašnjem poslovanju Pravobranilaštva Brčko distrikta BiH i odobrenim budžetom Pravobranilaštva Brčko distrikta BiH.

Član 13a

(Novčane pomoći)

(1) Pravobranilac, zamjenici pravobranioca ili porodica imaju pravo na jednokratnu novčanu pomoć u sljedećim slučajevima:

a) smrti roditelja, bračnog partnera ili djeteta u visini od dvije najniže bruto plate u pravosuđu,

b) porodica u slučaju smrti pravobranioca odnosno zamjenika pravobranioca ima pravo na novčanu pomoć u visini od tri najniže bruto plate u pravosuđu,

c) pravobraniocu odnosno zamjeniku, u slučaju privremene spriječenosti za rad zbog bolesti, pripada jednom godišnje jednokratna pomoć u visini od dvije najniže bruto plate u pravosuđu, ako je odsustvovanje s posla duže od šest mjeseci.

(2) Ukoliko više zaposlenih prima platu iz budžeta Distrikta u slučaju navedenom u stavu 1 tačkama a) i b) ovog člana, pomoć može dobiti samo jedan zaposleni i to onaj koji snosi troškove sahrane.

III. ZAVRŠNE ODREDBE

Član 13b

(Donošenje podzakonskog akta)

(1) Pravosudna komisija dužna je u roku od šest mjeseci od dana početka primjene ovog zakona, donijeti pravilnik iz člana 12b stava 2 ovog zakona.

(2) Odlaze se primjena člana 12b ovog zakona, do donošenja pravilnika iz stava 1 ovog člana.

Član 14

(Stavljanje odredbi van snage)

Odredbe sadržane u drugim zakonima, propisima ili odlukama Brčko distrikta koje su u suprotnosti s odredbama ovog zakona, prestaju da važe danom stupanja na snagu ovog zakona.

Član 15

(Objavljivanje i stupanje na snagu)

Zakon o platama i drugim naknadama pravobranioca i zamjenika pravobranioca u Pravobranilaštvu Brčko distrikta Bosne i Hercegovine stupio je na snagu 6.jula 2018. godine, a njegove izmjene i dopune 4.novembra 2020. godine (primjenjuju se od 1. januara 2021. godine), 13.novembra 2021.godine, 12.januara 2022. godine, 1.jula 2022. godine (primjenjuju se od 1.jula 2022. godine), 21.decembra 2022. godine (primjenjuju se od 1.januara 2023. godine) i 3.avgusta 2023. godine.